

寧都直隸州志卷八

廣德劉棲鸞纂輯
太平梁棲鸞

公署志

寧都州

上諭亭在州治東雍正十三年知縣鄭昌齡奉文就按察分司
舊地恭建前一進恭懸

上諭每朔望文武官於此宣講

聖訓後一進恭奉

龍牌左右為廊房周圍繚以牆垣嘉慶七年知州黃永綸率合

寧都直隸州志

卷之八 公署志

一

州重修

州治

州治在城之中隋開皇十八年建贛郡志載大業三年移縣

治在雪竹坪始建宋建炎紹興淳熙屢災知縣劉僅李時

亨修明洪武四年知縣莊濟翁重修正統七年知縣陶元

宗正德元年知縣蔡夔十二年知縣王天與相繼增修嘉

靖十一年知縣陳大綸重新之內署四知臺左建思莊樓

以不忘濟翁也樓依愛蓮池引官陂水入焉其廳事曰親

民堂改曰忠愛後堂曰明德堂改曰明遠西為乾乾亭改

曰思補堂即今西廳一帶忠愛堂今為簡孚堂未詳改自

何時明遠堂

國朝乾隆三十五年知州甘玉麟改爲雪竹堂五十八年二堂火知州周兆蘭修改雪竹堂爲觀我堂今仍之廳事左爲阜積庫又左爲架閣房右爲儀仗庫今爲門房又右爲贊政幕府康熙六十年署知府黃汝銓拆毀知縣李治國改建滿字倉廳事前爲露臺中立石署公生明三字覆以石亭乾隆中署州戴宏度增建木坊恭懸戒諭露臺左爲吏戶禮三房右上爲承發房下爲兵刑工三房又下爲壯役所儀門外左神司靈侯二廟右爲快班所爲獄禁前爲頭門上譙樓舊貯銅壺滴漏明成化中知縣金瀾有記署

寧都直隸州志

卷之八 公署志

二

知府黃汝銓取往贛存府庫頭門外舊有虔南名邑枋署知府黃汝銓拆毀今懸額曰陽都古治左爲旌善亭右爲育嬰堂爲申明亭中面屏牆旁翼轅門轅門外右有費侯講堂嘉慶十一年知州黃永綸修道光二年知州劉丙重修

按州治規模依辛酉志贛郡志合參嘉慶八年草志編纂庶源流詳悉而今制亦宛然可數其育嬰堂係今頭門外右邊辛酉志載儀門右爲寅賓館卽今育嬰堂內或前後改建與或志載譌錯與均未可考又辛酉志載照牆外西邊有醫學久廢卽今天醫閣東邊有

陰陽學

舊改前令王懋德講堂今並廢故皆不列

州判

州判廨在州治頭門內左進舊爲縣丞廨康熙四十四年縣丞缺裁廨基存乾隆十九年准陞縣爲直隸州置州判因基改建州判廨嘉慶十四年州判章廷銑任內重修共用銀一百九十餘兩

儒學

學正署在學宮右卽舊教諭署明崇禎十年知縣張士俊偕合邑修

國朝康熙三十七年州人邱嗣烈偕合州重建道光二年學

寧都直隸州志

卷之八 公署志

三

正安守正偕合州重修

訓導署在學宮左合邑公建乾隆四十五年訓導鄧廷霖倡州人修嘉慶五年頭門大堂悉圯於水嘉慶十五年訓導黃向榮倡州人重修道光二年訓導黃向榮偕合州重修增建左廳暨書房五間

吏目

吏目廨在州治頭門內州判廨前舊爲典史廨乾隆十九年縣升爲州因改吏目廨嘉慶二十五年吏目吳熙福任內修借支銀一百三十餘兩接任吏目張俊復借支銀六十餘兩重修

巡檢

巡檢廨在感惠里下河村道光二年巡檢蔣曾灼任內修借支銀一百九十餘兩

考棚

乾隆十九年升縣爲直隸州二十一年知州沈文詳請應照府例專設考棚州舉人曾洲等擇建城西南郊嘉慶五年圯於水七年知州黃永綸倡州貢生楊芳俊等勸輸重建外爲東西轅門進爲頭門頭門外左爲官廳爲禮科爲工科號房右爲廚房供應房進爲儀門儀門內東西配房各五間中爲甬道爲龍門左右爲東西文場上爲大堂大堂左爲官廳又左爲科房七間右爲水舍官廳又右爲堂號三間由大堂進爲宅門左右門房各二間爲穿亭爲二堂二堂左爲會客廳又左爲東書房住房二間右爲西書房又右爲內廚房三間住房二間由二堂進爲屏門爲三堂左宿房二間右宿房二間又右爲書房上下兩進住房六間統計周圍石牆從一百一十八弓橫四十一弓共費六千有奇

參將

參將署在北鎮安門外鎮安街西順治九年建頭門一進二門一進大堂一進後堂一進內宅一進東西廳各一乾

隆中參將黃天寅建西邊箭道箭亭一所乾隆三十三年
參將陳毓瑞任內修理箭亭照壁四面圍牆動費公銀三十餘兩

守備

守備署在北鎮安門外鎮安街東順治九年建頭門一進
二門一進左爲軍裝庫嘉慶十年守備李義元任內修大
堂一進東廳一內宅一所乾隆三十四年守備線坦任內
修動費半廉銀九十餘兩

水陸塘汛一十三處

存城千總一員協防外委一員兼管安福鄉江口水塘汛
一處哨船一隻駐劄州城無署僦屋以居

寧都直隸州志

卷之八 公署志

五

蕭田汛把總一員兼管漳灌洛口小汛二處駐劄清泰鄉
蕭田汛房

黃陂汛把總一員外委一員兼管黃土嶺桐林逕小汛二
處駐劄懷德鄉黃陂村汛房

蘆畚汛把總一員兼管毛源逕陳團埧小汛二處駐劄太
平鄉蘆畚村汛房

固村汛把總一員外委一員兼管固口小汛一處駐劄仁
義鄉固村汛房

石城汛分防千總一員駐劄石城縣城協防外委一員駐

劄石城大猷坪汛房

辛酉志曰蕭田漳灌黃陂江口固村石城六汛俱順治九年建固口毛源逕陳團垵洛口桐林逕黃土嶺蘆峯七汛俱雍正二年建常年地方官修理

演武廳

操場在西郊外覆船岡下中建演武廳後一進爲長官安膳地廳下左設將臺一處將臺後旗纛神廟在焉乾隆四十年參將黃天寅守備潘以忠率合營弁兵重建道光二年知州劉丙修

火藥局

寧都直隸州志

卷之八 公署志

六

火藥庫在州西城上乾隆三十二年守備端正學任內修動費公糧銀五十餘兩道光二年知州劉丙重修

倉廩

永盈倉在州大堂下右邊主簿廨舊基東爲倉神廟西上爲官廳下左右三直爲倉五十五間嘉慶十五年署州裘恩澍領公費銀九百七十餘兩重修道光二年知州劉丙奉文採買以不敷積貯添建倉廩十八間共七十三間舊制始復倉後增建書房三間

州城社倉附

東西南三關社倉在城南崇福寺總門內右邊樟樹下內

爲書院及公捐鄉會試總倉北關社倉在北拱辰門外舊梅江書院地基借建

行館

池富公館在州城北五十里池富村

鶯婆磔公館在州城南三十里鶯婆磔明知縣陳大綸建

據贛郡志載

按辛酉志載有琳池公館接官亭二處均注基址無考又長勝墟公館今已改爲義學故皆不列

養濟院

養濟院在南阜民門外明洪武中知縣莊濟翁建萬曆四

寧都直隸州志

卷之八 公署志

七

十四年知縣時敦中重修并造店房二間常年收租給孤貧

國朝嘉慶七年知州黃永綸捐修

育嬰堂

育嬰堂在州治頭門外石邊久廢道光二年知州劉丙查出房屋數間并書門額

推廣育嬰議 附

蓋聞好生爲天地之心慈幼實保息之政范蠡相越下令曰國中產子三人公與之母二人公與之餼雖爲霸者之計抑亦與天心王政若合符節長民者不可不善

立規制以興仁風而寧敝俗也州向鮮溺女之風生女多而難養人卽爭抱養爲媳誠兩全其美之道也近來人心不古女已抱養於人俟女長成每希圖悔婚別嫁得財藉端控告抱媳家畏累徃徃不肯抱養計莫如去其畏累使抱者安心以養此因勢利導之一法也今酌定凡抱人女者暫以義女看待俟女年十五歲再行正名爲媳著於抱養一月內開具月日抱養某某之女爲義女呈明立案以杜反悔刁告之源倘抱養家僅止一子不幸而夭其女應憑抱養之家擇嫁母家不得圖分財禮如此庶無後累而人皆樂於抱養矣且抱養者本

望其承宗祧必愛如己出較之送堂付諸不關痛癢之乳母其獲全生命不更多與若夫生女旣無力自養又或無人抱養則不能不藉給於本族查州各姓宗祠均有祭產學產自數十畝至數百畝千餘畝不等學產以資生員膏火旣準人數分收矣祭產以供烝嘗及演戲宴樂之需計莫如常年除辦祭品外一切演戲宴樂悉爲減省以其費作撫養本族貧家生女之用今酌定生女之家通知本族管首按其極貧者給穀一石次貧者給穀七斗族中有此一欵幫費卽貧亦可稍稍度活誰忍以自己骨月而棄諸水濱耶倘旣無人抱養并無族

費可支則不得不望諸鄉井好義之士今酌定城鄉紳耆有肯給錢米存活十人以上者報州給與匾額獎勵存活廿人以上者除已給匾外存記檔冊俟下屆修志列入義行永垂不朽或村庄貧乏無人肯給錢米著令生女之夫協同約保報官酌給錢米撫養三月後抱女送驗仍酌給錢米一次至舊有育嬰堂一所選擇誠實婦女居住月給工食有人抱女送堂即交與撫養凡此多方調劑事既易行效可立至惠以推而愈廣俗以久而皆淳吾願有志者共保此惻隱之心而無懈如有擅溺斃其女者立拘其夫以故殺子孫論無赦此議

寧都直隸州志

卷之八 公署志

九

普濟堂

普濟堂在州下西門外七仙廟右道光二年知州劉丙重修

僧會司

舊在城南崇福寺

道會司

舊在城北鎮安門外集仙觀

瑞金縣

上諭亭在縣城內城守把總署左乾隆三十四年知縣金克誠恭建嘉慶二十二年知縣蔣方增率邑人恭修改建石柱圍牆高二丈七尺廣五丈八尺輪十九丈

縣治

縣署在城東隅宋紹興中知縣聶子述建元至正中災縣尹文中重建明正統中又災縣志載正統壬午災巡撫楊御史韓檄縣重建宏治七年知縣李綸增修正德十四年知縣鮑珉重新之宅門內爲川堂爲二堂外爲大堂堂下露臺中立戒石亭左右爲庫爲六房吏曹辦事處前爲譙樓旌善亭申明亭寅賓館獄禁萬曆四十三年知縣潘舜歷增修寅賓館顏曰事友堂

國朝康熙十五年左右六房及譙樓燬於寇二十七年知縣李嘉卉修葺戒石亭易建木枋敬懸

聖訓於上四十九年知縣郭一豪重建儀門三間五十九年知

寧都直隸州志

卷之八公署志

十

縣任澧增新三堂及六房吏舍乾隆八年知縣唐紀重建二堂顏曰忠愛左右房各一西廊客廳一所嘉慶十年知縣惲敬修葺合署并記二十年知縣蔣方增於署東隙地增建書房四楹環植修竹顏曰浮筠山館

縣儒學

教諭署在 五王殿左

訓導署在教諭署前

典史

典史廨在縣治頭門內左進明宏治中知縣李綸建後均隨縣署修葺

巡檢

湖陂巡檢司廨在縣東八十里接汀州界官舍久廢移駐
壬田寨

瑞林巡檢司廨在縣西北一百里瑞林寨

永鎮營都司

永鎮營明崇禎中建於會昌縣小密村

國朝順治初年燬於寇守備季孔孝暫駐瑞金縣城後改駐

壬田寨雍正十年改置都司今仍駐壬田寨

把總

分防把總署在縣城內察院司左其箭道係察院司空地

寧都直隸州志

卷之八 公署志
瑞金

十一

協防外委無署舊居南門城樓今住把總署西屋

塘汛二處

謝坊塘在縣城三十五里

羅漢巖汛房在縣城五十里

演武廳

瑞金操場有二一舊在縣北明嘉靖十八年知縣王鈇改
置縣南隆慶四年知縣呂若愚改置縣城西二里萬曆四
十四年如縣潘舜歷建演武廳三間今廢一在壬田寨河
邊沙埧改駐以來卽於此操演騎射

按縣志列載陰陽學醫學及行館七處並注今廢無考

故皆不列

倉廩

永豐倉舊在城隍廟前明正德六年知縣林裡移建縣署後改名預備倉南北共十二間門樓一間隆慶三年知縣呂若愚增建倉亭三間萬曆二十二年左邊倉廩傾塌知縣石有聲修并爲九廩

國朝康熙三十四年知縣田俞改寅賓館爲倉四十四年知縣郭一豪增建八間共廿間十七間在署後三間在頭門左久廢嘉慶十七年知縣惲敬重建倉屋廿間俱在署後

養濟院

寧都直隸州志

卷之八 公署志

瑞金

十二

養濟院舊在縣城內明隆慶四年知縣呂若愚改建西城外勝因寺右

育嬰堂

育嬰堂在縣治右雍正中建屋久傾頽嘉慶二十一年知縣蔣方增捐廉八十三兩置買東關城內房屋一所懸立育嬰堂匾額

僧會司

在聖恩寺

道會司

在天符宮

石城縣

上諭亭在

崇聖祠左雍正十三年知縣楊志道教諭譚佐恭建

縣治

縣署在城南隅南唐保太十一年建縣卽建署於此宋建炎初寇燬知縣李杞重建嗣是知縣張博彭堯輔沈如遇相繼修理元至正二十四年燬於兵明洪武元年主簿吳敬重建正統景泰中知縣鍾寶彭英繼修

國朝順治六年寇燬知縣董應譽葺餘燼數椽以居十年知縣郭堯京始建堂以視事後爲宅十七年知縣靳闡然增建書室於後堂之右康熙十六年知縣王錫九增擴堂右書室顏曰清暉堂二十一年知縣韋鍾炳鍾縣志作中建三堂

寧都直隸州志

卷之八 公署志

十三

二十七年知縣萬丹詔於三堂右增建一廳顏曰蕉雨軒四十五年知縣陳嘉於清暉堂後增建一堂并修葺儀門大堂左庫房右柬房堂階下左右各建小亭左爲典史廡爲吏戶禮三房右爲兵刑工承發四房儀門外左爲獄禁左南爲土地祠右爲寅賓館內進爲常平倉外爲頭門上建譙樓門外左房爲申明亭右房爲旌善亭

縣儒學

教諭署在明倫堂後

訓導署在

上諭亭後

典史

典史廨在縣署大堂下左邊乾隆三十一年典史江村建一堂二廂房西隅爲住宅

巡檢

赤江巡檢司廨在城西瑞昌橋背前爲堂後爲宅乾隆三十年巡檢沈國泰於堂西增建書房三間五十一年缺裁寧石營分防千總協防外委其駐處詳州公署志

塘汛三處

河家灣汛

分水均汛

寧都直隸州志

卷之八
石公署志

十四

大猷坪汛

演武廳

操場在縣南隔河三里溫坊村明成化二十二年知府李璉開設廣六十丈袤八十丈有奇建演武廳三間

按縣志載陰陽學醫學僧會司及舊有各處行館並久廢故皆不列

倉廩

存留倉在縣署右明洪武初建後改名預備倉上爲官廳前爲墀左右前後十五廩崇禎九年知縣徐九行重建九年知縣周東興重建官廳十五年知縣尙承業增建九廩

共二十四廩

國朝順治六年寇燬八年知縣董應譽重建增建三廩

養濟院

養濟院在縣西關外瑞昌橋右順治六年寇燬知縣董應譽重建知縣郭堯京修孤貧六名歲給口糧銀共二十一兩

育嬰堂

育嬰堂在縣西關外瑞昌橋左康熙四十五年知縣陳嘉建雍正十三年知縣朱允年重修道光三年知縣朱一慊設立條規勸諭士民捐銀一萬餘兩分鄉生息以為乳養之資

寧都直隸州志

卷之八 公署志 石城

十五

普濟堂

普濟堂在縣西關外華峯寺前雍正十二年署知縣傅緘捐建

道會司

在縣北門外太極觀